


北極紫庭秘訣

上



刻



北極紫庭秘訣



清大洞經錄卷之五
清微演化華天節制雷霆
極豐穡諸司使官事
覺羅雲巽參訂

太正盟威經錄三天掌籍錄演法仙卿兼理北極樞機內外事
臣李宗曜較閱

肇自龍漢祖劫



元始生天判定日月布列星辰隨炁左旋
運行二極總樞之天是謂北辰輔辰為政
是謂北斗主宰其中是謂斗母雖居北極
實御中天萬有化生莫不由此窮通禍福
咸聽主司故
太上道君授祖天師諸階斗法蓋為是也
其法始于茅盤終乎紫光七十二家其中

繁簡不同各因師授蓋簡則致靈繁則罔效只貴乎精誠專一耳故清微為先天玄妙者此也逮唐一行禪師始以西域大梵斗科流行中國但其咒語不能譯明口雖習誦心實不知得其言不得其音得其文不得其理究竟不如華夏經文心求口祝之為要也子晋氏系出天潢潛心玄學嘗於余處授清微正宗咀嚙幽微深通奧妙

暇日集紫庭灌斗諸法準其符章飾其文藻題之曰清微紫庭奏告科儀屬余為序余雖不敏忝主教法奚敢固辭聊述斗法之由来并諸其首以歸之

襲封留侯五十四代天師正一嗣教大真人張繼宗題

清微紫庭朝斗科儀 卷上

清眾更衣詣壇門念

入戶咒 焚入戶符

四明功曹。通真使者。今日朝真。

願為通達。急急如律令

叙立、鳴樂、三法鼓、知磬舉

步虛詞

樂法以為妻。愛經如珠玉。



持戒制六情。念道遣所欲。
淡泊正炁停。蕭然神靜默。
天魔並敬護。世世受大福。
大聖常清常靜大天尊。三稱。

淨口咒

出納之門。上下有神。吉凶之戶。
炁津常存。吾今朝禮。一念存真。
會集萬聖。叩之必聞。

急急如律令

淨心咒

天玄天玄。真一自然。去邪皈正。
惟息靜專。一身之主。萬法之先。
定而不可測。動而那可言。
臣今表裏淨。引我拜帝前。
急急如律令。
淨身咒

靈寶祖炁。安慰黃闕。白帝清魂。
 赤帝定魄。黑帝生炁。青帝養血。
 黃帝中主。萬神敢越。前有朱雀。
 後有玄武。左有青龍。右有白虎。
 侍吾之身。元神鼓舞。各安方位。
 同朝斗府。急急如律令。
 攝魔解穢天尊。
淨壇符 蕩穢符
 蓋聞大道難名。孰起方隅之限。真元純若。

本無清濁之分。今則契妙理於先天。必也
 歛神機於萬有。庶使邪魔束首。道炁常存。
 少彰一動一靜之關。用假五炁五行之水。
 至大無外。何妖不摧。謹告
 日華流精。月液浮光。四明功曹。通真使者。
 五方生炁。旺炁君。九鳳破穢大將軍。清河
 夫人。浣濁玉女。本佩法錄神將。解穢局中
 吏兵。各運玄元之真水。遂起天外之恩波。

助我行持。蕩除魔試。夫水者。德冠五行。功
資萬有。為九天之雨露。作四海之波濤。聖
人出而黃河清。王道平而泉源湧。遍灑法
壇內外。掃除塵垢妖氛。一滴纔沾。十方俱
潔。玄科有咒。謹用宣揚。衆誦

開天地解穢章

洞虛玄元。晃朗無邊。
混合自然。靈寶司命。
普化九天。

豁羅達那。洞忌神仙。斬絕惡鬼。
掃蕩妖烟。中山玄咒。元始靈篇。
吾誦神集。天地迴旋。三元五嶽。
八海朝元。魔王束首。真聖漸軒。
凶穢蕩盡。道德成全。
急急如律令

師存左有日念。鬱對離貞。三遍。別卯。又存右有月念。結坎亨。四遍
別酉。存日月降精水中。隨入金光篆。



存金光大發念。天無氛

穢地無妖塵。冥惠洞清。大量玄玄也。焚符

入盂中繞壇洒淨念朗清存不住口復位念隆育智一炷七遍

完知磬舉

按人各恭敬。

師香符 啓師符 祖天師符
魏元君符 祖元君符

伏以天高北辰遠。豈造次以能通。師存衆善飯。賴提擻而後可。將伸敷奏。先叩主維。嗣正宗小兆孫。其謹焚真香。百拜上啓。道經師寶元始萬神。天地水府三官大帝。

萬法教主玉虛師相玄天上帝。清微宗主真元妙化太初天君。紫宸太華天帝。祖師三天扶教正一靜應顯佑真君。太極仙翁冲應孚佑真君。九州都仙太史神功妙濟真君。高元宸照法王紫虛魏元君。宗師金殿昭靈妙道保仙祖元君。壇室洞清郭元君。福和耀真傅元君。龍光道明姚元君。紫英玉惠高元君。洞陽上宰清虛華真人通。

慧明德洞昭朱真人。雲山保一李真人。眉
山混隱南真人。丹山雷淵黃真人。西山真
息熊真人。秦智冲和彭真人。洞淵塵外曾
真人。浚義雲陽趙真人。三十代天師虛靖
弘悟清微張真人。經師四十三代無為天
師耆山張真人。藉師上清三洞法師清微
較籍張真人。度師九天金闕侍御上相五
十四代天師碧城張真人。傳經傳法歷代

度人師真聖衆。恭望師慈。俯垂洞鑒。伏念
某曩因慶幸。叨佩法階。誓濟生民。宣揚道
化。凡有祈懇。所合上聞。入意其諸情悃。具
載意文。上陳師聽。以今恭依大法。奉行符
命。延生集慶。度厄消災。未敢自專。先伸啓
告。丐憐愚昧。特賜提撕。鑒領來悰。上聞真
極。指命官將。顯助神功。庶俾行持。克臻感
格。某干冒師嚴。下情無任虔切。俟命之至。

謹言。 眾誦。

金光咒

五帝司迎。	受持萬遍。	聽之不聞。	體有金光。	證吾神通。	天地之宗。	萬悉本根。	廣修億劫。
萬神朝禮。	身有光明。	包羅天地。	覆映吾身。	三界內外。	惟道獨尊。	視之不見。	養育群生。
後使雷霆。	三界侍衛。						

鬼神喪膽。	精怪忘形。	內有霹靂。
雷神隱名。	洞慧交澈。	五炁騰騰。
金光速現。	覆護真人。	

急急如律令

師交神凝神靜慮物我兩忘一念初動即變身為元命真人存見天中三天真形

坐光中念格覺正。七遍存金

光一點起于元宮化作神公金冠霞帔七竅光明頂發圓光充滿太虛又念幻

境俱空。金光洞煥。精神默感。所召立前。

雷霆號令。急如星火。十方三界。頃刻遙聞。
一如元降律令。元始一炁萬神雷司。炁香

飛符闕召。

功曹符 符使符
土地符

三界功曹。四值符使。當方土地。傳通等神。
聞今闕召。火速到壇。有事指揮。疾。

衆誦

土地咒

功曹土地。神之最靈。通天達地。不得留停。
出幽入明。為吾闕奏。

有功之日。名書上清。

急急如律令

師念唵吽吒唎神速至。存功曹並至。

向伸宣召。功曹符使。土地等神。既已到壇。
為吾齋香傳令。徑詣南極丹天風火院。宣

請

召將符 金牌符
五印符

專帥北極都天罡主橫天威烈斗口魁神
正一靈官馬天君。統領副將冲天雲令威

光馬大將。合部吏兵。星火到壇。有事指揮。
疾。下念。

北極靈官將。丹天威烈神。紅袍輝日月。寶
劍耀乾坤。聞吾今召請。火速出天門。元始
一炁萬神雷司。當壇闕召。

斗口魁神都天罡主。正一靈官威烈馬元
帥。統領副將雲令威光馬大將。合部吏兵。
火速來臨。疾。
衆誦。

馬靈官誥

高上神霄。玉清真王。混元主法元帥。玉
府司命真君。光明華嚴寂道真王。南極
火犀大仙。北帝都天罡。橫天威烈神王。
緝魔雷令大神。掌管雷霆都司。考召命
捉大將軍。掌風雲雷雨電。糾察三界邪
魔。天下都提轄。正一靈官馬天君。

師別南斗一座于南方

尊未胎甲
火午天離
音高辰

第六星中規

勝

秘字卷光存身中南北

斗交魁至罡、至魁、手剔子午斗。




唵 吽 嚩

叱靈魁揖。別未丑斗。



唵 魁 嚩

吒降靈揖。存北南中別寅申斗。



唵通天吒靈吽揖。次念

霍希達哩吒。一炁七遍。因上南斗六星。倒入南斗口中。如日光內

有靈。見本帥。白面無鬚。美貌少年。即君像。頭戴束髮紫金冠。繫以朱纓。嵌

以百寶珍珠。身穿鎖子連環金甲。明鏡護心。外罩大紅龍袍。腰束玲瓏玉帶。左

佩長劍。右懸金印。左手執金磚。右手執西戟。上白蛇纏繞。背後背胡盧。胡盧

中飛出火鴉三箇。身跨火犀。下有水火二輪。後隨副將馬大將。青面金甲。綠衣

皂靴。手執斧鉞。光芒燦爛。現于空中。與我天目金光相射。吸來唵音。入祖宮。混

合心炁。因出香上。

向伸宣召正一靈官馬天君。已沐臨壇。少

駐威光。上香供養。再煩符使為吾賚香傳
令。通告斗府諸司官將吏兵。星火到壇。有
事差委。疾。下令密念。敦育奕。一炷七過。

楊耿符

王天君符

劉大神符

龍使者符

張神君符

總召符

道香一炷。十方肅清。法鼓三通。萬神咸集。
元始一炷。萬神雷司。焚香飛符。闕告。
北極闔陽掌善揚使者。北極啓陰察惡耿
使者。太乙王天君。樞靈劉大神。總真龔使

者。霹靂循璇灌斗暘谷張神君。延生保命
度厄益算消災散禍扶衰七元神君。翻解
冤結顯張二使者。斗中解二十四厄靈官。
八門警策大神。玄曹列職官屬。本佩法錄
官將。琳庭壇靖助道贊化威靈。本屬城隍
主者。本家香火司命六神。聞今召命。齊至
壇庭。仗此清香。皆伸供養。以今伏為某事。
謹依大法。像斗燃燈。奏對宸嚴。請祐恩宥。

延生集慶。度厄消災。即請駐劄行壇。各揚厥職。司傳奏者。與其進也。隸祗候者。汝注欽哉。報休咎于符牒警策之中。解災厄于身命運限之內。却凶迪吉。改禍成祥。各隸攸司。咸贊玄化。一如律令。依應奉行。

招真集聖天尊。

伏以仰天觀象。雖如咫尺之間。望闕朝真。必假通傳之力。重伸上告。

斗口魁神都天罡主正一靈官橫天威烈馬元帥。已沐乘雲馭炁。浮空而來。少駐雲駢。聽今懇禱。格至睨於斗中。降臨凡宇。發真光於壇上。端賴神功。恭惟恩帥之靈。實任斗樞之柄。威容赫奕。德澤汪洋。飛步九天。每隨機而赴感。週遊六合。常福善而禍淫。故茲斗法之靈。賴爾陰扶之力。所有來悰。謹當宣告。

宣意文。

向來事悃。諒已鑒知。

散禍永降吉祥。攝星光混合燈光存九所大寶樓閣儼然在上
寶光洞照天尊。奏樂出壇迎駕知磬舉

祈真頌

三素霏霏遠。盟威凜凜寒。
火鈴空滅沒。星斗夜闌干。
珮響流虛殿。鑪烟在醮壇。
瀟灑不可極。驂駕下雲端。

祝香咒

信香符三道

香乃玉華散景。九炷含烟。
香雲密羅。徑冲九天。侍香金童。
傳言玉女。為臣通奏。上聞帝前。
令臣所啓。咸賜如言。
急急如律令

密念靈融昭晝。一炷七遍次拈香三炷念靈熏靈歆雲霧。

五字名曰達信章念 唵。唵。二字名曰通玄章念 吽。吽。吽。吽。吽。

名曰入聖章次存主帥三真二使齋符傳香徑詣斗宮

伏以閭闔開黃道。舉頭瞻星斗之尊。衣冠
拜紫宸。歛手侍龍鸞之駕。臣等稽首天階。
祇迎聖輅。

迎鑾接駕天尊。

請聖符
開天符
降斗符

五雲宮殿步虛長。斗轉璇霄夜未央。白鶴
飛來通吉信。清音齊逐返風香。具職。臣某
誠惶誠恐。稽首頓首。百拜焚香。一心奏請。
先天九靈太妙紫光金真聖德奎光天后

元明道母天尊道前。

中天大聖九皇九真延生解厄上道帝君。
御前。

普天星斗森羅萬象河漢群真聖前。臣等
恭望天慈。俯賜恩光。降臨御座。

雲輿已降。星馭來臨。眾等虔誠。
安奉御座。

浮空而至天尊。

奏樂
回壇安位

至心皈命。謹請上聞。

九靈太妙。紫炁金真。慶華天后。妙相皇君。
仰丐洪慈。歆格凡誠。鑒臣微念。降駕淨庭。
允臣所願。賜佑臣身。天靈節榮。永保長生。
太玄三一。守其真形。五臟神君。各得安寧。
降臨醮席。稽首再拜。

至心皈命。謹請上聞。

七元真君。陽明陰精。光明煥赫。今夜降靈。

饗茲薄禮。暫降淨庭。賜臣無畏。身魄安寧。
除臣死籍。注臣長生。所求皆得。所作皆成。
上感帝王。下感人情。衆人欽愛。飛昇紫庭。
降臨醮席。稽首再拜。

至心皈命。謹請上聞。

真人玄冥。降臣淨庭。饗臣滋醮。知臣丹誠。
願升仙都。太陰無名。役使萬神。六甲六丁。
上感天心。下救蒼生。降臨醮席。稽首再拜。

至心皈命。謹請上聞。

丹元北極。降臣淨域。削臣死名。乞臣道力。壽齊三光。福慶萬億。神人衛身。玉女下直。降臨醮席。稽首再拜。

至心皈命。謹請上聞。

天闕大神。照耀臣身。願臣長生。得為帝賓。顏如日月。四時長春。下界垢穢。速登上真。左眇鬱儀。右攜結璘。玉童為使。玉女為親。

降臨醮席。稽首再拜。

至心皈命。謹請上聞。

輔弼真君。至真至神。佐相北極。環繞紫宸。願施道力。成臣道因。上扶天意。下度迷津。降臨醮席。稽首再拜。

至心皈命。謹請上聞。

尊帝二星。北極之靈。人不曾見。見即長生。注臣飛仙。勾臣死名。福慶無窮。與天齊頌。

速超仙都。遊行上清。降臨醮席。稽首再拜。
至心皈命。謹請上聞。

三台虛精。六淳曲生。小臣溼懇。再拜奉迎。
臣具薄禮。臣意不輕。盡心竭力。知臣丹誠。
願臣高遷。列官天庭。心意開爽。耳目聰明。
三魂永久。七魄不傾。降臨醮席。稽首再拜。
至心皈命。謹請上聞。

星主紫微。天皇勾陳。南辰北斗。月后日君。

天罡大聖。本命元神。二十八宿。十二宮分。
祿馬二庫。運限照臨。六十甲子。三垣拱辰。
五星四曜。列宿群真。結成圓蓋。覆育群倫。
萬象垂佑。百福來臻。與天相畢。亘古固存。
降臨醮席。稽首再拜。

適伸啓請。已沐光臨。瞻望洪慈。納茲菲供。
伏以翠葆前驅。縹緲雲衢之御。珠幢後擁。
翱翔輦路之遊。俯垂雲馭之臨。納此蘋蘩。

之薦。頓首致恭。香茶上獻。
聖境三千歲。散花仙葩始一開。滿醮筵。
斗真前供養。
清供已獻。諒賜歆格。謹運一心。
皈正真道。

清微紫庭朝斗科儀

卷中

叙立鳴樂舉

步虛詞

鬱鬱家國盛。濟濟經道興。
天人同其願。縹緲入大乘。
因心立福田。靡靡法輪昇。
七祖生天堂。我身白日騰。
存念如法。請宣靈呪。

安神章

杳杳冥冥。混合無形。玄元始炁。
天地人靈。道非常道。名無定名。
空洞凝結。真妙化生。既分五正。
始屬七星。臣今蕩滌。內外澄清。

功德圓滿。魂魄自寧。

急急如律令

鳴法鼓二十四通。叩齒

發爐焚符

太上玄元五靈老君。當召功曹使者。左右
龍虎使者。捧香使者。三炁正神。傳臣所言。
竊其諸情悃。具載意文。上陳天聽。願得九
天正真生炁。降入臣身。令臣所啓。速達逕
御。

上天神后北極靈殿玉陛下。

恭對天顏。請稱法位。
鳴金振玉 三運香符

具職。臣。誠惶誠恐。稽首頓首。恭謹焚香。
百祥上奏。

先天九靈太妙斗母紫光金尊聖德巨光
天后元明道母天尊。勾陳上宮天皇大帝。
星主紫微北極大帝。玉斗左宮高上尊星
大帝。玉斗右宮高上玄卿大帝。中天大聖
北斗天英陽明貪狼星君。魁精玄上真皇
夫人。天任陰精巨門星君。虛精高上玄皇

夫人。天柱真人祿存星君。上精靈妃元皇
夫人。天心玄冥文曲星君。上虛神妃華皇
夫人。天禽丹元廉貞星君。北上金蓋中皇
夫人。天輔北極武曲星君。安上晨華原皇
夫人。天冲搖光破軍星君。運天王華靈皇
夫人。天芮洞明左輔星君。空真太明常皇
夫人。天蓬隱元右弼星君。空玄變靈上皇
夫人。上台虛精開德星君。中台六淳司空

星君。下台曲生司祿星君。南辰上生星君。
北斗延生星君。天罡大聖紫庭星君。日宮
炎光太陽帝君。月府素曜太陰皇君。東方
木德水星星君。南方火德熒惑星君。西方
金德太白星君。北方水德伺晨星君。中央
土德鎮星星君。交初神首羅喉星君。交終
神尾計都星君。天乙紫炁道曜星君。太乙
月孛慧曜星君。角宿天門星君。亢宿天庭

星君。氐宿天府星君。房宿天駟星君。心宿
天王星君。尾宿天雞星君。箕宿天津星君。
斗宿天廟星君。牛宿天機星君。女宿天女
星君。虛宿天卿星君。危宿天錢星君。室宿
天廩星君。壁宿天市星君。奎宿天將星君。
婁宿天獄星君。胃宿天倉星君。昴宿天目
星君。畢宿天耳星君。觜宿天屏星君。參宿
天水星君。井宿天井星君。鬼宿天墮星君。

柳宿天厨星君。星宿天庫星君。張宿天秤
星君。翌宿天都星君。軫宿天街星君。天秤
宮宿星君。天蝎宮宿星君。人馬宮宿星君。
磨蝎宮宿星君。寶瓶宮宿星君。雙魚宮宿
星君。白羊宮宿星君。金牛宮宿星君。陰陽
宮宿星君。巨蟹宮宿星君。獅子宮宿星君。
雙女宮宿星君。天輪主照當生本命元辰
大道星君。上清六十甲子星君。紫微垣內

列曜星君。太微垣內列曜星君。天市垣內
列曜星君。祿元馬元壽元胎元。旁臨正照
一切星宰。普天星斗。森羅萬象。河漢群真。
仗此清香。皆伸供養。恭望洪慈。鑒臣朝禮。
臣聞丹谷凝虛。耀金光於絳日。玄峰迴妙。
混玉彩于朱霞。黃庭流偃月之輝。紫戶煥
靈烟之景。英元內拱。羅九室以珠聯。儗璘
傍招。會三宮而璧合。上契虛無之聖境。下

符鈔有之神廬。飛步乘飈。精思御炁。臣遊
心塵外。寄跡寰中。七經騰碧玉之輪。鬱羅
日近。八緯運玄珠之駕。華蓋雲開。佩師渥
于丹圖。膺帝恩於紫策。兢兢寡過。切切立
功。緬維下教。以騰芳。蓋贊上乘。而毓秀。凡
伸忱素。敢昧申騰。具有疏文。謹當宣奏。宣
疏文敷奏。天聽非遥。奉修皈命之誠。必荷
垂矜之鑑。仰瞻碧落。上煥玄虛。白玉龜臺。

金闕貫清微之界。紫金獬座。玉京凝紅映
之區。真景通明。靈光長耀。輝輝炁運。拱剡
以虛明。朗朗神交。御泥丸而密妙。伏願
紫闕洞徹。黃道昭回。九靈飛鳴玉之音。奔
馳浩炁。八威振流金之武。嚴肅罡風。乘飛
霧以高躋。登長虹而直上。流珠御景。拱寶
座以威顏。金華乘晨。綴螭坳之班列。階陞
奕奕。凡奏依依。遂微臣造請之虔。副下土

皈依之篤。臣無任瞻天仰聖。激切屏營之至。謹啓以聞。

注想尊容。稱揚寶號。

至心皈命禮。

無上至真。玄元天母。一炁先天之始。九靈太妙之尊。白玉臺前。紫金座上。奉元始虛皇之大道。現玉華寶閣於中天。道運乾元。德隆坤厚。放光明於微妙。發誓願之洪深。

至聖至靈。大悲大願。先天九靈太妙。紫光金尊。慶華至德。天后金真聖德天尊。三遍

至心皈命禮。

紫光毓秀。皇極分源。為造化之樞機。作人神之主宰。宣威三界。統御萬靈。至道至尊。大明大德。中天北斗。九皇九真。延生解厄。上道帝君。三遍

至心皈命禮。

高高圓蓋。渺渺大羅。紫微位北極之上。勾
陳居內座之中。日帝月皇。定晨昏而有準。
南辰北斗。司生殺以無私。五星列照。四曜
分明。二帝隱于天階。三垣朝於帝座。周分
二十八宿。總成三十二天。三台並隨于斗
極。天罡專主于雷門。十二宮辰。天輪運轉。
六十甲子。星紀回旋。命主既分于所屬。胎
生不離于元辰。明星暗曜。正昭旁臨。玉宇

連珠而有象。紫霄合璧以無停。端拱紫微。
循行黃道。森羅萬象。列宿群星。金井玉衡
之主宰。銀河碧漢之真司。本命元辰。運限
祿馬。周天纏度。列曜星君。三遍

恭對道前。朝禮如法。
至心朝禮。

先天九靈太妙紫光金真聖德奎光天后
元明道母天尊。

至心朝禮。

中天大聖九皇九真延生解厄上道帝君。
至心朝禮。

普天星斗森羅萬象群真。已上每位俱三拜。

適來朝禮。諒沐鑒觀。聊表一誠。敬伸三獻。
伏以祥光靄乎閭里。瑞炁溢于門闈。既臨
蓬華之居。敢獻蘋蘩之薦。清浮竹葉。和曠
仙洞之春。香泛松花。光映天顏之喜。法衆

運誠。酒行初獻。

萬花歌供養。散花飛舞自天來。滿醮筵。

斗真前供養。奏樂。

伏以巍巍乎如在。蕩蕩乎難名。轍陳菲薄
以投誠。仰竇高明而鑒納。紅雲紫霧。暫少
駐於塵寰。西戟朱幡。望下臨乎法席。再運
丹衷。酒行亞獻。

寶葉開琪圃。散花珍柯在紫微。滿醮筵。

斗真前供養。奏樂

伏以酒星在天。炤祥光于混沌之際。醴泉在地。表太河于斟酌之間。固非盭盭之誠。敢效潢污之薦。仰祈洪貺。俛鑒丹衷。無任致恭。酒行終獻。

淺淺黃金萼。散花。勺勺白玉英。滿醮筵。

斗真前供養。奏樂

再稱法位。

具職。臣某稽首。皈身。皈神。皈命。

北斗九真聖德。天后紫光妙相。皇君北帝。九皇真君。瑶天星斗群真。闕下。臣某幸資宿慶。得奉道真。竊不自揆。輒希長生。誓將克己立功。改過修德。伏乞原赦。臣積生以來。至于今日。所犯元惡重罪。咸賜蕩除。許臣自祈。補復前咎。令九祖父母。幽魂苦爽。皆拔九幽。上昇天衢。令臣修道。允合至誠。

請削臣死籍。注上玄錄。闔門之內。共保元
吉。生成之惠。實在于此。臣某誠惶誠恐。稽
首頓首。謹啓再拜。

存神燒香。

復爐

焚符

香官使者。左右龍虎君。捧香使者。三炷正
神。當令臣朝真之所。自然生金液丹碧芝
英。百靈衆真交會。在此香火案前。令臣修

道。克合至真。闔門受福。天下蒙恩。仙童玉
女。侍衛香烟。傳臣所奏。徑御
上天神后北極靈殿玉陛下。

皈依正道。

稽首斗真。

用悉莊嚴。

澄心泰定。

清微紫庭朝斗科儀

卷下

序立鳴樂舉

步虛詞

大道洞玄虛。

有念無不啓。

鍊質入仙真。

遂成金剛體。

超度三界難。

地獄五苦解。

悉皈太上經。

靜念稽首禮。

請稱法位。

具職臣某恭炷真香。虔誠上啓。

太上玄元北斗聖母紫光明哲慈惠太素
元后金真聖德天尊。勾陳天皇大帝。星主
北極大帝。高上帝。星景光君。太微尊星七
辰君。太上宮據斗真人。青城玉樓九晨君。
中元宮攀魁真人。五色玉樓北上晨君。真
元宮黃臺玉樓真人。主仙華晨君。紐幽宮
步斗真人。朱臺玉樓玄上飛蓋晨君。綱神

宮素臺金樓躡紀真人。金魁七晨君。紀明
宮步綱真人。玄臺玉樓飛華北晨君。闕會
宮乘龍真人。九層玉樓總靈九元北蓋晨
君。洞明宮遊行三界真人。紫氣玉樓尊帝
九晨君。隱元宮徘徊三陽真人。玉樓紫館
帝真元晨君。變隱逃元內妃。保胎化形內
妃。六遁七隱上元丹母。匿景藏光內妃。變
體易景斗中大女。隱踪散跡斗中中女。分

景萬形斗中少女。日月水火高皇左夫人。
化金石山河斗中高皇右夫人。斗上三台
華蓋星君。日君月后二曜星君。天罡萬真
節度星君。五方五德星君。四炁四曜星君。
雲天二十八宿星君。天輪十二宮辰星君。
南辰北斗延壽解厄星君。三元六十甲子
星君。三垣帝座星君。上清主照本命建生
星君。流年二運三限星君。祿馬二庫星君。

旁臨正照星宰。瑶天星斗群真。星宮下降
吉福真聖。燈筵所啓作證。一切仙靈。仗此
清香。皆伸供養。恭望洪慈。洞垂昭鑒。臣聞
二曜運行。麗中天而洞煥。七星統御。兆群
品之休祥。分水火利害之機。有金木生成
之造。赤烏騰彩。散六合之清新。玉兔含輝。
彌九陽而澄潔。五行順序。四炁韜光。青羅
傳刻玉之文。黃老降鑄金之篆。上扶國祚。

下保生民。昭回八角之芒。璀璨三垣之座。
列星照燭。萬象森羅。恢皇圖鞏固之基。
開聖業太平之運。臣某幸探道妙。獲眎靈
篇。宏敷度世之文。深慕希仙之旨。凡伸忱
悃。敢昧申騰。具有靈章。謹當跪奏。宣章章
文敷露。天聽非遙。仰丐真慈。俯垂昭鑒。以
今伏為某事。恭依法教。建立水盆。投符篆
以定星方。叩宸極而垂報應。上祈勅旨。告

下星宮斗府。本命元曹。三官五帝。九府四
司。一切合屬。去處特為某。宥以今慈。開其
宿業。消災解厄。保命延年。順度星躔。增添
福祿。仍冀天無浮翳。四炁朗清。神風靜默。
現斗開雲。恭望真慈。曲垂淵鑒。稽首皈依。
無極大道。
通奏符

飛章達御天尊。

師捧報應符至水盆前。右手斂訣攪水。下符符尖按日值星宿處。投下念。朗

元朗元。益希益希。曲延曲生。明彰報應。

急下蓋之。蓋用米篩一面。貼體衣一件。上以綵緞覆之。虛書二號。漸耳。



伏以玉京金闕。非凡烟以能通。斗府星垣。仗神威而可達。焚香關告。

南極丹天。風火院。斗口魁神。靈官馬元帥。

速出班行。祇領關文。通傳章奏。宣闕。向伸

闕文。宣讀已周。雷帥聰明。諒能承受。伏乞

大帥仗三尺太阿之劍。斬絕群妖。躡九靈

飛步之罡。遊行三界。將吏擁旌。擁於左右。

官君持斧鉞。于後先。登金門。上玉堂。自茲

而始。破罡風。除灑炁。是謂厥功。叱咤風雷。

飛騰霄漢。一如開道律令。

噴水。焚闕文。遣將符。

密念 魁魁魁魁魁魁。眾念

化章咒

黑章符 度火符 赫章

出我萬神。驂駕雲輶。遣官威儀。

頃刻上聞。罡風灑炁。敢過雲程。

流鈴交熾。奔飛火星。真陽上冲。

勅開天庭。夜斂玉扉。晝造金城。

紫雲青霧。虎旆龍旌。金光下覆。

昇入無形。急急如律令

師作進章功夫。凝神靜慮。一念不生。存先天性根為元始天尊。元始一念救

劫。即為道母。總之道母。即元始之陰神。非摩利支天也。存見在泥丸中。現



元始象。照見天尊。左有清微妙化天帝。右有正真君。天尊頂有北斗一座。杓指前

天尊坐白玉臺。紫金獅座。頭戴碧玉芙蓉冠。玄衣黃裳。朱履。手執圭。九皇星君。周

天星宿。皆星冠羽服。侍坐兩邊。雷神帥將。侍立階下。師心神丹元君。衣錦衣。歷十二

重樓。上朝天闕。次存太虛六陽充滿。三三三或火天大有卦。身中亦然。并起四陽冲動。五

位。現開天門。并身中元始合之。見天門上有景陽遐宣四字。楊取二神值事。天尊頂上斗垂

光。下接身中之斗。本帥引元命真人捧章。由斗罡直至帝前。奏云某事。伏望天慈。云何施行

存准行密念。朗靈恪原極昇。六遍。心詳謝恩。回神于靜定中。有所觸者

即是報應。念零霸雲霈霄。五遍。叫咄明啞。一息七遍。眾誦

飛神謁斗章

玄都上象。太虛景霄。北斗華蓋。

飛雲玉槁。擊羊陀羅。策玄駕浮。
右弼隱元。韜光散驕。左輔洞明。
一點祥標。三台散景。天罡赫颯。
破軍斗魁。七宿連鑣。武曲斗魁。
逸駕雲飄。廉貞斗耀。瑤臺岩堯。
文曲斗魁。紫雲鬱蕭。祿存斗魁。
總御招搖。巨門斗魁。飛越玄寥。
貪狼斗魁。玉華慶韶。黃老上帝。

總持王堯。紫微帝座。萬星上朝。
慶華天后。紫光煥昭。九玄父母。
靈爽飛超。三生七世。罪障俱消。
增延福慶。解釋愆尤。泥九九宮。
與斗俱遼。金液還丹。紫芝碧苗。
令神飛舉。逸步逍遙。長生久視。
身入金樓。馳騁斗極。萬劫千秋。
急、如律令

開函演與天尊。

道場衆等。人各運心。轉經如法。

開經玄蘊咒

大衆繞壇轉經

雲篆太虛。

浩劫之初。

乍遊乍通。

或沉或浮。

五方徘徊。

一丈之餘。

天真皇人。

按筆乃書。

以演洞章。

次書靈符。

元始下降。

真文誕敷。

昭昭其有。

冥冥其無。

沉痾能自全。

塵勞溺可扶。

幽冥將有賴。

由是升仙都。

太上玄靈斗母大聖元君本命延生心經。

聞經已後。惟願災厄時消。善芽日長。

消災解厄天尊。

當職謹遣。

斗中三真二使。暘谷張神君。斗中延生保

命度厄益美。消災散禍扶衰。七元神君。解

二十四厄諸大靈官。法中將吏。特為其名。下。消災解厄。保命延生。具有牒文。謹當宣示。
宣解厄牒。眾誦。

解厄咒

念二十四遍。每遍換易第五句中間二字。解厄符二十四道。

隨罡建斗。

法炬天星。

七神來降。

削死上生。

解一切厄。

元亨利貞。

急急如律令

疾病、精邪、虎狼、橫死、咒誓、天羅、

三災、四煞、五行、九星、夫妻、男女、虫蛇、劫賊、枷棒、地網、刀兵、水火、

六害、七傷、八難、產生、伏連、疫癘、

完鈞首明宏。

一炷七過。

向來諸厄。並已解除。虔備允儀。再伸上獻。伏以黃芽白雪。為仙家服食之方。行潦潢汙。備人世薦脩之禮。既精誠之如一。諒下鑒之允昭。上聖居歆。星真來享。玉池清水。願言嚙液于元和。丹井寒泉。或許霑濡於法澤。臣等虔恭。棗湯陳獻。

絳節徘徊引。散花天花散漫飛。蒲醮筵。

斗真前供養。

奏樂

學仙頌

學仙絕塵念。念念相因積。
去來亂我神。神躁靡不歷。
滅念停虛閒。蕭蕭入空寂。
請經若饑渴。持志如金石。
保子飛仙路。五靈度符籍。

其職。臣某恭謹焚香。重誠上謝。

送真符

先天九靈太妙紫光金真至德玄元天后
元明道母天尊。中天大聖北斗九宸皇上
道君。瑤天星斗萬象森羅列耀。恭望天慈。
鑒今回謝。臣適伸朝禮。已遂周圓。伏願以
茲功德。上祝帝道昌雲。皇圖就日。國安
民泰。歲稔時和。道化丕弘。咸得希仙之旨。
世厥粹稷。均濟仁壽之鄉。宗祖升天。顯幽
共慶。凡居化育。統籍甄陶。復冀真慈。早垂

報應。仰瞻仙仗。上返瓊宮。褻瀆之愆。尚祈
原宥。臣干冒天威。無任懇切。不勝攀戀之
至。謹言。觀星

雲輿弗住。星馭難留。仰望天衢。
一心拜送。

回鑾返駕天尊。

出壇送聖 奏樂

焚燎頌

化財

人天多障累。大道悉矜憐。

濟度垂科教。

延齡懺罪寬。

愆辜遍地府。

輿勢結已聞天。

發露祈真佑。

真心感聖賢。

虔誠禮三寶。

願得壽長年。

疏文歸上界。

奏名斗真前。

送聖功德。上祈斗尊。與道合真。為上良緣。

至心稱念。

留恩錫福天尊。

安土神咒 回壇

元始安鎮。普告萬靈。嶽瀆真官。土地祇靈。左社右稷。不得妄驚。面向正道。內外澄清。各安方位。備守家庭。太上有命。搜捕邪精。護法神王。保衛誦經。皈衣大道。元亨利貞。急急如律令。
謝師符
正宗小兆孫。其頓首焚香。虔誠上謝。

清微大道流芳襲慶。歷代師真。恭望師慈。俯昭謝悃。其適來朝真禮斗。已遂圓成。第以樗材。忝忝正法。陟降瀆師真之教。敷陳對咫尺之威。謬誤恐多。戰兢實切。其干冒師嚴。下情無任惶恐之至。稱謝以聞。
眾誦
收金光咒

元始天尊。修鍊雷霆。日月交合。星宿璇璣。五炁交結。運動乾坤。

威震霹靂。邪鬼滅形。五明交合。

萬道明輝。周行事畢。隨吸歸身。

五靈混合。我得長生。嘯唎順嘜。

嘯嗚唎嘖。嘍嘖嚙唎。大有妙庭。

急急如律令

向來朝禮。已遂云周。同賴善功。證無上道。

一切信禮。

寶華圓滿。天尊。不可思議功德。

出戶咒 出戶符

出陰入陽。萬神開張。閉啓事竟。

請開仙房。急急如律令

祭將

伏以道香一炷。騰為碧漢之氤氲。法鼓三通。化作青霄之號令。名香終爇。天耳遙聞。謹運真香。虔誠供養。

專帥北極都天罡主橫天威烈斗口魁神
靈官馬元帥。部領副將冲天雲令威光馬
大將。合部吏兵。北極闔陽掌善揚使者。北
極啓陰察惡耿使者。太乙王天君。樞靈劉

大神。總真龔使者。霹靂循璇灌斗暘谷張
神君。延生保命度厄益算消灾散禍扶衰
七元神君。翻解冤結額張二使者。斗中解
二十四厄靈官。八門警策大神。玄曹列職
官屬。本佩法錄官將。琳庭壇靖助道贊化
威靈。日華流精。月液浮光。四明功曹。通真
使者。五方生炁。旺炁君。九鳳破穢將軍。清
河夫人。浣濁玉女。本佩法錄神將。解穢局

中吏兵。本屬城隍主者。當境土地里域神
祇。本家香火司命六神。三界符使。四直功
曹。見聞糾察。翊衛等神。仗此清香。皆伸供
養。元始一炁萬神雷司。本司昨為修建清
微紫庭奏告法筵。啓建之初。嘗專牒請。使
職在壇。宣通照命。騰誠達悃。委有功劳。以
今齋事云周。虔備菲儀。用伸祭謝。仰祈官
將。俯鑒精虔。羽衆同誠。稱揚寶號。

志心皈命禮。

高上神霄玉清真王。混元主法元帥。玉府
司命真君。光明華藏寂道真王。南極火犀
大仙。北帝都天罡。橫天威烈神王。攝魔雷
令大神。掌管雷霆都司。考召命捉大將軍。
掌風雲雷雨電。糾察三界邪魔。天下都提
轄。正乙靈官馬天君。
洪名寶號。以對稱揚。有酒在樽。開壺酌獻。

伏以赫赫雷威。大地承宣于化。雨昂昂威
武。普天均沐于慈風。有感必通。無求不應。
輒運丹衷。酒斟初獻。

神威如在天尊。

伏以靈感威神。頃刻而雷轟電掣。英雄猛
吏。須臾而雨驟風馳。號令雷霆。肅清家國。
用賞威靈。酒斟亞獻。
神威如在天尊。

伏以佈八陣之壇圖。威容赫奕。列五方之
號令。法像森嚴。達悃通誠。保家扶國。羽象
運誠。酒斟終獻。

神威如在天尊。

向來祭將功德。上祈官將。復返靈司。同
賴善功。證無上道。一切信禮。
積功成聖。天尊。不可思議功德。

請水

一炷氤氳。統北山。隨風上出。九霄間。金科
將演朝元極。濟濟威儀。列兩班。此香氎清
芬之玉露。郁、流芳。結炎上之珠烟。飄
作盞。爇向爐中供養。

下界水府扶桑丹霞大帝。洞淵暘谷神王。
東海廣德王。南海廣利王。西海廣潤王。北
海廣澤王。四海龍宮一切神仙吏兵。江瀆

廣源王。河瀆靈源王。淮瀆長源王。濟瀆清源王。九州水帝。十二溪真。聖井龍官。河泊曜衆。悉仗真香。皆伸供養。夫水者。一為坎。六為乾。莫測神靈之妙。四乎巽。七乎兌。難窮造化之源。靜而渙則天涵玉鑑之中。動而陞則地接銀河之表。靈槎星滙而有路。扶桑日旭以增輝。向大鵬羽翼。擊起風雲。從老龍鱗甲。化為雨露。可以潔萬物。可以

潤三農。流武陵數片之紅桃。春迷洞口。浸瀟湘一輪之素月。秋滿波心。式憑點滴之功。肅清凡宇。藉此涓潔之力。祇迓高真。具有靈泉。謹當奉請。

向來請水功德。上奉龍神。滿注靈泉。同賴善功。證無上道。一切信禮。五龍蕩穢天尊。不可思議功德。

祀竈

逢礼斗之先晚祝灶告神

伏以一室之中。中黃為主。六神之內。司命為尊。以今焚香。虔誠供養。


東厨司命九靈元皇定福竈君。定福夫人。左太陽司命竈君。右太陰司命夫人。五方五帝竈君。五方五竈夫人。天厨靈竈君。地厨神竈君。天帝嬌男。地帝嬌女。庚申甲子。上奏靈官。擔柴力士。運水將軍。厨中仙眷。

一切威靈。伏此清香。皆伸供養。元始一炁
萬神雷司。本司今為修建清微紫庭奏告
大法一壇。以今啓建之初。先伸告竈。乃有
淨灶靈咒。謹當告行。

謹敕東海使者。其名禹伯。身長千丈。頭廣
百尺。以江為家。以海為宅。呼吸之間。吐水
萬石。火精聞之。入地千尺。伏藏不動。化為
盤石。急准天清地寧。司命灶君。受吾法水。

永保安寧。急奉常清常靜天尊。淨竈律令。
向來祀灶功德。上祈神貺。保佑康寧。同
賴善功。證無上道。一切信禮。
東厨赦罪天尊。不可思議功德。

斗
和



程